

11

OU TE ALOFA I LO'U AIGA

FOLASAGA MO LE FAIAOGA

Ina ia e saunia faaleagaga e aoao atu lenei lesona, faamolemole ia faitau ma mafaufau loloto i mea nei:

E tutotonu le aiga i le ata o le faaolataga. Ua faatulagaina e le Tama Faalelagi le aiga ia maua ai e i tatou le fiafia ma saunia ai i tatou mo le ola e faavavau. I totonu o se aiga e mafai ona tatou aoao ai mataupu faavae sa'o i se sioisiomaga alofa. E taua tele le alolofa ma le fetausiai o tagata o le aiga. Tatou te faaali atu lo tatou alofa i le loto fesoasoani lea ma le faaaloalo (tagai Efeso 6:1–3). Ua aoao mai i tatou e tusitusiga paia ia tatou “feagaleleiai [ma] femutimutivaleai le alofa” (Efeso 4:32; tagai foi “O Le Aiga: O Se Folafolaga i le Lalolagi,” *Liahona*, Iuni 1996, 10–11).

SAUNIUNIGA

Lolomi pe faia se kopi o faatagata o le aiga i le itulau 51. Valivali, pe a mananao ai. Oti ese ma tuu i totonu o se koneteina.

GAOIOIGA E AOA O AI

Amata i se gaoioiga faapotopoto. Mo manatu, tagai i le itulau 3.

Tatalo Valaaulia se tamaitiiti e faia le tatalo amata.

Ata Faaali atu le ata o se aiga fiafia i le itulau 50. Ta'u i tamaiti ua tuuina mai e le Tama Faalelagi ia i tatou taitoatasi se aiga. Faamalamalama atu e alolofa o tatou aiga ia i tatou ma e mafai ona faaali atu lo tatou alofa i o tatou aiga e ala i le agalelei ma le loto fesoasoani.

Faatinoga Faataitai Uu le koneteina ma fai i se tamaitiiti e filifili se faatagata o le aiga. Ta'u i tamaiti le tagata o le aiga e faatusa i ai o le (tina, tama, tuagane, tuafafine, po o pepe), ma fai i tamaiti e faataitai mai ia te oe. Fautua atu se auala e faaali atu ai le alofa mo lena tagata o le aiga (o le teuina o mea taalo, fetufaai, ataata, ma isi). Valaaulia i latou e faafoliga le faiga o taga. Toe fai lenei gaoioiga mo faatagata taitasi o le aiga.

Pese Usu pe fai atu upu o le pese “O Se Aiga Fiafia” (*Tusipese a Tamaiti*, 104) ma faia taga o loo i lalo. Valaaulia tamaiti tou te faia faatasi

Ou te alofa ia tina. (*tuu le lima i luga o le fatafata*)

Faapea foi ma tama; (*luelue le ulu*)

Fealofani matou uma, (*fofola tele lima*)

Ma o se aiga fiafia. (*fusi le tagata ia lava*)

Ou te alofa i uso. (*tuu le lima i luga o le fatafata*)

Tuafafine ma tuagane; (*luelue le ulu*)

Fealofani matou uma, (*fofola tele lima*)

Ma o se aiga fiafia. (*fusi le tagata e ia lava*)

Faaiuga Faamalosiau i tamaiti e alolofa ma agalelei i tagata o o latou aiga. Valaaulia i latou e fai mai, “Ou te alofa i lo'u aiga.”

Tatalo Valaaulia se tamaitiiti e faia le tatalo faaii.



MOTUGAAFA FAAFAIAOGA

Faatagata: Afai e le maua se avanoa e faaaoaga ai se masini e faia kopi, tuu se pepa mama i luga o faatagata ma lolomi i se penitala po o se peni. Ava le popole i le tau lolomiina o vaega uma; tau lava ia lolomi le tino ma ni nai vaega e faailoa mai ai le faatagata.

Teu faatagata ia e faaaoaga i lesona o lumanai (e pei o le lesona 13). E mafai foi ona e faaaoagaina e toe faamanatu ai le lesona lea i le taimi o se isi foi vasega o i luma.

Manatua: A o faia le lesona lea, ia e nofouta i tulaga i fale ma aiga o tamaiti.

SAUNIUNIGA *Mo le tala:* Faailoga le itulau 18 i le tusi lesona lenei e faafaigofie ai ona e susue i ai.

Mo le pepa lautele o i ai se savali: Talosaga i matua o tamaiti taitoatasi i le vasega pepe mo se tamai ata o faaali mai ai le tamaitiiti ma lona aiga (atonu ua maea ona latou aumaia muamua lenei ata ina ua faatoa auai mai le tamaitiiti i le vasega; tagai itulau 7). Faapipii ata o tamaiti i se pepa lautele malo. I le pito i luga, tusi ai “Ou te Alofa i Lo’u Aiga.”

Tala Faaali i tamaiti le ata o Iesu ma Lona tina (itulau 18). Faasino ia Iesu ma ta’u i tamaiti o se ata lea o Iesu a o tamaitiiti o Ia. Tusi ia Maria ma fai atu o le tina lea o Iesu. Faamalamalama atu na i ai se aiga agalofa o Iesu na tausia lelei o Ia a o laitiiti, ma na alofa tele o Ia i Lona aiga. Fautua atu ni auala e mafai e tamaiti ona faaali atu le alofa i o latou tina (e ala i le ataata, fesoasoani e faamama mea uma, fusi atu, ma isi mea faapena). Valaulia i latou e faataitai le faiga o na mea.

Pese Faaopoopo upu fou i le pese “Mea Malie e Fai” (*Tusipese a Tamaiti*, 129) e aoao ai i tamaiti nisi o auala e mafai ona latou faaali atu ai le alofa i o latou aiga. Mo se faataitaiga, fai atu i tamaiti, “Sei faaali mai pe faapefea ona tatou alolofa ia Tuafafine.” Usu “Taaalo faatasi e malie tele” ma fai ni taga faigofie. O isi upu e mafai ona e faaaogaina o, “Teu mea taalo e malie tele,” “Tapena o le potu e malie tele,” “O le ataata e malie tele,” “Fesoasoani ia papa e malie tele,” ma isi.

Pepa lautele e i ai se savali Faaali le pepa lautele ua e saunia. Faasino i se ata ma faapea atu, “O le aiga lea o [igoa o le tamaitiiti]. O [igoa o le tamaitiiti] lea.” Toe fai mo tamaiti taitoatasi. Faamamafa atu e i ai uma lava o tatou aiga o e alolofa ia i tatou ma e tatou te alolofa foi ia i latou. Faaali atu le pepa lautele i vaiaso taitasi ma tuu atu le avanoa i tamaiti e tali ai fesili e faatatau i o latou aiga. (“O fea le aiga o [igoa o le tamaitiiti]?” “O fea o i ai [igoa o le tamaitiiti]?” “O fea o i ai Papa?” ma isi). Faaopoopo ata i le pepa lautele a o faaopoopo mai tamaiti i le vasega pepe.

MOTUGAAFA FAAFAIAOGA

Sauniuniga: O sauniuniga e te faia a o le i amataina le vasega o le a e maua ai le avanoa e taulai atu ai lou mafau i tamaiti a o latou taunuu mai i le vasega. Faafeiloai i latou i foliga ataata. (Tagai *O Le Aoao Atu, E Leai Se Isi Valaauga e Sili Ai*, 85.)

Toe faia soo: O se tasi o metotia faafaiaoga e sili ona taua mo tamaiti o le tausaga vasega pepe, o le fai soo lea. E fiafia tamaiti e faalogo pea lava pea i pese ma tala lava e tasi. Faaoga upu e tasi i taimi uma lava.



Ou te Alofa i Lo'u Aiga

